

Vlado Jagodić, trener Borca BL "Ne vjerujem da će replika pehara završiti u Vrbasu"

23/05/2011 17:32 by Administrator

Nogometaši banjalučkog Borca u nedjelju su pobjedom nad 1/2 eljezničarom na stadionu Grbavica, kolo prije kraja Premijer lige, osigurali titulu državnog prvaka. Iskristili smo to kao povod za razgovor sa

trenerom Banjalučana, ali i novim selektorom mlade reprezentacije BiH, Vladom Jagodićem.

Razgovarao: Nedžad Jamaković

Vlado Jagodić (Foto: Edin Puzić/Fotoservis) **Borac je sasvim zaslužen osvojio prvenstvo. Možete li se ukratko osvrnuti na proteklu sezonu?**

Ekipu sam preuzeo nakon poraza Borca u 1. kolu i to na domaćem terenu od 1/2 eljezničara (2-3). Prethodno je Borac ispao od ekipe Lausanne u drugom pretkolu Evropske lige, tako da je ekipa bila posrnula. Uprava je tada odlučila da me vrati, jer sam ja vodio ekipu i 2009, te smo uspjeli vezati šest pobjeda u narednim utakmicama Premijer lige, uključujući i pobjedu na Koševu protiv Sarajeva, koja nam je puno značila za samopouzdanje. Tad smo zasjeli na prvo mjesto, i nismo ga više prepunili drugim konkurentima, mada su nas mnogi željeli srušiti.

U kojoj ste mjeri ove sezone imali ozbiljne konkurente za prvo mjesto. 1/2 eljezničar je bio u igri skoro do samog kraja, jeste li se plašili da bi vam mogli preuzeti titulu kao sezonu ranije?

1/2 eljezničar i Sarajevo su nam i tradicionalno najveći konkurenti, tako je bilo i ovog puta. Međutim, ja sam uvijek optimista i tako sam i vjerovao u naš uspjeh. A, snagu smo najbolje pokazali činjenicom da smo protiv najozbiljnijih konkurenata, 1/2 elje i Sarajeva, u četiri utakmice zabilježili sve četiri pobjede bez ijednog primljenog gola.

Dosta se tokom prvenstva govorilo i o tome da je značajan novac uložen u Borac ove sezone. Koliko je to imalo utjecaja na ovakav rezultat?

Nije to baš tako kako se priča. Istina, Borac ima određenu finansijsku sigurnost budući da u tom smislu ima podršku Gradske uprave Banje Luke, međutim, nije to ni blizu izobilja. Bit ću slobodan da istaknem da se u situaciji kad smo osvojili šampionsku titulu kasni već dva mjeseca s platama igračima i osoblju. Imali smo, dakle, probleme kao i drugi klubovi u ligi, međutim, uspjeli smo napraviti zdrav kolektiv zbog čega sam ja na polusezoni morao praviti radikalne poteze i odstraniti neke igrače kako bih zadržao mir u svlačionici, ali se isplatilo. A to se tiče ulaganja, treba reći da se uložilo dosta na polju infrastrukture, stadion je spreman za evropska takmičenja.

Bez obzira na osvojenu titulu, utakmica s Leotarom u posljednjem kolu Premijer lige bit će vam vjerovatno posljednja na klupi Borca?

To još nije zvanično potvrđeno, ali da, 99 posto idem iz Borca. Meni je bilo zbog toga pogotovo jer smatram da sam zaslužio povjerenje uprave, no oni su još unazad tri sedmice razgovarali s drugim trenerima o preuzimanju Borca, što me, naravno, povrijedilo. Time su mi i na nekorektan način stavili do znanja da me ne žele u klubu.

Mnogi će s pravom reći kako je potpuno nelogično da se uprava odriče čovjeka koji je donio titulu državnog prvaka. U skladu s tim, mnogi se sigurno pitaju i ima li s tim veze činjenica da ste postali selektor mlade reprezentacije BiH, odnosno smeta li to možda nekim ljudima u Borcu?

Ne znam, ja ne mogu reći da je to tako, ne bi trebalo da je tako. Mislim da ja nisam najbolje nastupio pri povratku u Borac, budući da sam s ljudima iz uprave tad dogovorio da prođe zime potpišemo ugovor na dvije i po godine, ako budem imao dobre rezultate. Međutim, to je tad prolongirano tako da meni na kraju sezone isti ugovor, a oni sad traže drugog trenera. A, da je nelogično da uprava ne želi nastaviti saradnju s trenerom koji je donio trofej, to

stoji. Inače, preporuka tehničke službe Saveza je da selektor mlade reprezentacije vodi i premijerligaški klub, upravo kako bi imao uvid u potencijal mladih igrača u našoj ligi. Stoga ću i ja nastojati pronaći angažman u nekom drugom premijerligašu kako bih i dalje imao dobar uvid u igre tih mladića.

Navijači Borca navodno su najavili da će repliku pehara državnog prvaka baciti niz rijeku Vrbas. A ta vi mislite o tome?

Ne znam zaista, mislim da se tu radi o određenim navijačkim prepucavanjima i ne vjerujem da će se to desiti. Titula državnog prvaka predstavlja krunu godišnjeg rada kluba i mislim da ona samo može biti na ponos svim navijačima.

Spomenuli ste da je stadion Borca spreman za Evropu, međutim, evo, iako vjerovatno nećete to gledati s klupe, možete li nam reći koliko su igrači Borca spremni (i kvalitetni) za Evropu, odnosno kvalifikacije za Ligu prvaka?

Ja sam imao planove za naredni period koji su podrazumijevali određene korekcije u timu, odnosno osvježenja na pojedinim pozicijama. To je neophodno kako ne bismo išli na izlet u Evropu, već da pokušamo ostvariti rezultat, naravno uz sreću u slučaju. Imamo respektabilan tim i ne treba puno uložiti da bismo imali ekipu s kojom se imamo pravo nadati uspjehu i u Evropi.

Imenovani ste, dakle, na poziciju selektora mlade reprezentacije BiH. Organizovali ste i prvo okupljanje mladih reprezentativaca u Hrasnici, a već 1. juna igramo prvu utakmicu kvalifikacija za Evropsko prvenstvo 2013. u Izraelu, i to kao gosti protiv San Marina. U Prvoj grupi smo još sa selekcijama Njemačke, Bjelorusije, Grčke i Kipra. Možete li konačno ostvariti veliki rezultat?

Pozicija selektora mi svakako godi i predstavlja iskorak u mojoj karijeri. Kako sam već rekao, ja sam optimista, pa ću tako pokušati dovesti ovu reprezentaciju do nečega što nam dosad nije pošlo za rukom, a to je plasman u završnicu EP-a. Međutim, treba imati na umu da smo u određenom zaostatku, zbog svih ovih dežavanja u Savezu, te da je ova ekipa u stvaranju. No, bez obzira na to, mi ćemo tražiti uspjeh. U Hrasnicu sam pozvao uglavnom igrače iz Premijer lige BiH i tako će biti i u kvalifikacijama, moj će fokus biti na njima, budući da njih najbolje poznajem. Bit će tu, dakako, još nekih igrača iz inostranstva, ali i oni su tu jer sam se lično uvjerio u njihov potencijal.

Za tri dana odlučivat će se o budućnosti bh fudbala. Sad kad ste direktno uključeni u rad Saveza, imate li informacije o tome hoće li novi statut biti usvojen, odnosno hoće li nam biti ukinuta suspenzija.

Nadam se da će to biti riješeno na pozitivan način, inače pada u vodu sav naš trud. A, ne znam kome je u interesu da ne igramo u Evropi. Nemam nikakvih zvaničnih informacija, međutim, prema onome što nezvanično čujem, Komitet za normalizaciju NSBiH je napravio veliki posao i uradio dosta na usaglašavanju stavova, tako da je moj optimizam zasnovan i na tim informacijama.

Izvor vijesti: Sarajevo-x